



Broj: 03-04/2-04-38584/24
Sarajevo, 20.08.2024. godine

STRUČNA SLUŽBA VLADE
KANTONA SARAJEVO
gđa Mersiha Šabaredžović-Klačar, sekretar Vlade

PREDMET: Odgovor na zastupničku inicijativu zastupnice Admele Hodžić,
dostavlja se -

VEZA: Vaš akt, broj: 16-04-32093-18/24 A.B. od 03.07.2024. godine

Svojim aktom, broj i datum veze, Ministarstvu pravde i uprave ste na nadležno postupanje dostavili zastupničku inicijativu zastupnice Admele Hodžić koja je na 16. radnoj sjednici Skupštine Kantona Sarajevo, održanoj dana 10.06.2024. godine, uputila zastupničku inicijativu kako slijedi:

"Podnosim inicijativu Vladi Kantona Sarajevo da se u godišnje izvještaje o poslovanju Kantonalnih javnih preduzeća, zavoda i ustanova Kantona Sarajevo, uvrsti unificirana tabela koja će sadržavati precizno navedene slijedeće podatke:

- Polje 1. Sektor/radnu jedinicu*
- Polje 2. Naziv radnog mjesta za sve uposlenike,*
- Polje 3. Stručnu spremu/zvanje za radno mjesto iz polja 2.,*
- Polje 4. Koeficijent za radno mjesto iz polja 2.,*
- Polje 5. Uvećanje na platu za određena radna mjesta i poslove iz polja 2.,*
- Polje 6. Procenat invaliditeta (ako ga uposlenik ima) za polje 2.,*
- Polje 7. Ukupan broj radnika po sektoru/radnoj jedinici,*
- Polje 8. Broj radnika prema sistematizaciji po sektoru/radnoj jedinici,*
- Polje 9. Ugovor na neodređeno, određeno vrijeme, ugovor o djelu ili po osnovu rješenja,*
- Polje 10. Broj i procenat uposlenih osoba sa invaliditetom (na dnu tabele),*
- Polje 11. Iznos koji se uplaćuje u Fond za profesionalnu rehabilitaciju i osposobljavanje osoba sa invaliditetom (na dnu tabele),*
- Polje 12. Izvještaj Fonda za profesionalnu rehabilitaciju i osposobljavanje osoba sa invaliditetom, na šta su utrošena sredstva koja su uplaćena u izvještajnom periodu."*

U obrazloženju Inicijative se, između ostalog, navodi i slijedeće:

“Pomoću ovakvog unificiranog izvještaja ćemo odmah moći da vidimo koliko se poštuje Zakon o radu FBiH, poštuju radnička prava, diskriminaciju uočimo odmah na prvom slijedećem izvještaju, barem kada je riječ o koeficijentima i plaći radnika, koliko poštujemo pravilnike o sistematizaciji, spriječimo upošljavanja na određeno, ako sistematizacijom imamo jasno propisano stalno radno mjesto, a ne koristimo ugovore o povremenim i privremenim poslovima, što je često slučaj, i na takav način svjesno prešućujemo svojevrzni mobing.”

S tim u vezi, Ministarstvo pravde i uprave daje slijedeće izjašnjenje:

Rad i poslovanje javnih preduzeća, što uključuje podnošenje i sadržaj godišnjih izvještaja o radu, regulisano je propisima višeg nivoa vlasti i to Zakonom o javnim preduzećima u Federaciji Bosne i Hercegovine (“Službene novine Federacije BiH”, br. 8/05, 81/08, 22/09 i 109/12), Zakonom o privrednim društvima (“Službene novine Federacije BiH”, 81/15 i 75/21), Zakonom o računovodstvu i reviziji u Federaciji Bosne i Hercegovine (“Službene novine Federacije BiH”, broj 15/21), Zakonom o registru finansijskih izvještaja (“Službene novine Federacije BiH”, broj 7/21), kao i drugim federalnim propisima kojima su uređena pojedina pitanja vezana za rad i poslovanje privrednih društva, odnosno javnih preduzeća.

Kada je riječ o javnim ustanovama i zavodima, metodologija izrade i donošenja planova rada i godišnjih izvještaja o radu uređena je Odlukom o metodologiji izrade i donošenja planova rada i izvještaja o radu Vlade Kantona Sarajevo i kantonalnih organa (“Službene novine Kantona Sarajevo”, broj 28/24). Navedenom Odlukom je propisan sadržaj izvještaja o radu, pa bi se odgovarajućim izmjenama, odnosno dopunama Odluke podaci navedeni u Inicijativi mogli propisati kao sadržaj ovih izvještaja. Nosilac izrade ove Odluke je Zavod za planiranje razvoja Kantona Sarajevo, s tim da postoje naznake da bi u narednom periodu ovo ministarstvo moglo biti zaduženo za izradu nove Odluke, ili određenih izmjena i dopuna iste, te će se tom prilikom u obzir uzeti predmetna Inicijativa.

S poštovanjem,

Dostaviti:

1. Naslovu;
2. a/a.

